

Date – 11/03/2026

Time - 18:30 -18:40Hrs

**AKASHVANI AIZAWL**

**REGIONAL NEWS BULLETIN**

**HEADLINES ( EVENING )**

1. Mizote kut pui ber leh ngaihhlut ber Chapchar Kut lawm mekah vawiin khan Chapchar kut pual Art & Photo Exhibition-chu Aizawl Vanapa Hall ah hawn a ni.
2. Serlui Bialtu MLA Pu Lalrinsanga Ralte chuan Assam Assembly inthlanpui neih hma in Assam leh Mizoram ramri thuam chak turin sawrkar a ngen.
3. Prime Minister Narendra Modia chaun vawiin khan Kerala-a Ernakulam atangin hmasawna hna cheng vaibelchhe sing khat chuang hu a hawng.
4. Chhatisgarh sawrkar chuan sakhaw zalenna dan thar Freedom of Religion Bill, 2026 ruahmanna chu an pawm

<><><>

**CHAPCHAR KUT**

Mizote kut pui ber leh ngaihhlut ber Chapchar Kut lawm mekah lemziak leh thlalak phochhuah runpui, Art & Photo Exhibition-chu vawiin khan Aizawl Vanapa Hall ah Information & Public Relations Secretary Pi Betsy Zothanpari'n a hawng.

Ni thum awh tur Chapchar Kut Art & Photo Exhibition hi Information & Public Relations (I&PR), Mizoram Art Development Society (MADS) leh Mizo Photographers' Society (MPS)-te buatsaih a ni.

**VC**

*Chapchar Kut puala Exhibition-ah hian a vaiin lemziak leh thilsiam 107 phochhuah a ni a, chu'ng zingah chuan Pencil/Charcoal hmanga ziah 5; Mixed Media 3; Sculpture 3; Watercolour hmanga ziah 13; Acrylic hmanga ziah 80 leh Oil Painting 3 a tel a ni. MPS-te'n mi 39-te thlalak thehluh atanga thlanchhuah thlalak 126 an phochhuak bawk a ni.*

*Painting Exhibition bik hi kum 2012 atanga neih tan a ni a, Photography Exhibition hi kum 2016 atanga neih chhoh a ni a, Chapchar Kut 2026 Art & Photo Exhibition hian vawiin, March ni 11 atanga ni 13 thleng a awh dawn a. Tlawhtute tan lemziak leh thlalak phochhuahte hi lei theih a ni dawn a ni. MADS chuan hemi pual hian 'Zozia' tih thupui hmangin Art Camp an lo buatsaih tawh a, member 68-te an tel a ni.*

<><><>

**CBC**

Sorkar laipui Ministry of Information and Broadcasting hnuai Central Bureau of Communication, Field Office Aizawl chuan vawiin khan Pachhunga Univerity College ah Nari Shakti leh Viksit Bharat@2047 chungchang zirtirna an buatsaih a, He zirhona hian kum 2047 a India in hmasawn lehzual a tumna – Ram changkang tura kawng zawhnaah hmeichhiate hmahruai theihna tur leh an telve na tur kawng in kawh hmuhnan hun hman a ni.

He hun hmanpuitu PUC Political Science Head of Dept Dr Lalthakima (chuan zirilaite chu Vision 2047 tihhlawhtlinna atana mamawh leh thil tumte ngaihtuah turin a chah a, ram himna tur ngaihtuah te, leh zirna tihhmasawn te a pawimawh thu a sawi a ni.

Imphal CBC leh PIB Functional President Dr. Engam Pame pawhin thusawiin American industrialist Henry Ford-a thusawi sawi chhawngin, “Insuihkhawm hi a bul tanna a ni. Inpumkhatna chu hmasawna a ni a, Thawhhona hi hlawhtlinna a ni,” a ti a. Hmeichhe chawikan chungchang te sawiin, zirilaite chu khawtlang nun siamna kawngah an chanvo hriatpui turin a chah a, Viksit Bharat 2047 thlen theihna tura mimal tinte thawh ho a pawimawh zia a tarlang bawk.

DDK News Aizawl Director Pu Nampibou Marinmai a pawhin Mizoramin za zela 100 literacy a neih theih dan a tarlang a, zirilaite chu zirna leh khawtlang hmasawna kawnga hmahruaitu ni chhonzawm zel turin a fuih bawk a, Viksit Bharat chu hmeichhiate tel lo chuan thil theih loh a nih thu a sawi uar hle bawk ani.

<><><>

## **SESSION-STATE BORDER**

Serlui Constituency Bialtu MLA Pu Lalrinsanga Ralte chuan Assam Assembly inthlanpui neih hma in Assam leh Mizoram ramri thuam chak turin sawrkar a ngen.

Vawiin Assembly Session-a Home Minister Pu K.Sapdanga department enkawl sum mamawh sawihonaah Serlui Bialtu MLA Pu Lalrinsanga Ralte chuan state thenawm Assam Assembly inthlanpui awm mai turah Assam lam chuan an lo tih thin fo thin angin politics lama hlawkna tel tumin ramri chhehvelah hma an lak a rin thu a sawi a, hemi atan hian Mizoram chu lo inralrin a, invenlawk a tul thu House ah sawiin, kum 2021-a MNF sawrkar laia Mizoram leh Assam ramri a inkahna thlen hnuin Status quo-ah hmun engemaw zat dah a ni a, Mizoram lam chuan zawm tha mahse Assam lamin an zawm tha ve lo a ti a. Ramri buai hunlai a kawng laih te, duty post panna kawng sial te chu state pahnih chuan an nei teuh a, Assam lam chuan an duty post siam te leh an BOP siamte changtlung takin an siam laiin Mizoram sawrkar erawh in hma a lak chak loh thu leh ramri ah buaina leh harsatna awm leh huna hmingchhe tur chu sawrkhar tho a ni a ti.

Pu Lalrinsanga chuan Kum 2021 a ramri kawng laihna Saipum a Zunzam Camp Mizoram lam BOP awmna thin chu duty te an rauhsan lailawk hnuah Assam lamin ram tin 60 a zau vel chu an vat vak a ti a. Bialtu MLA chuan Assam lamin an rawn thut chilh leh vat a hlauh thu sawiin Home Minister chu a rang lama police duty dah nghal a, ramri venghim turin a ngen a, hmalak vat a nih loh chuan nakinah Mizoram chuan harsatna nasa zawk a tawh a hlauh thu a sawi a ni.

<><><>

## **SESSION - P & E**

Power & Electricity Department changtu Minister Pu F.Rodinglana'n nikum atanga kumin January thla inkarah Mizoram-in rampawn atanga Power leina atan cheng vbc 685, nuai 93, sing 1, sang 1,744 a seng a, hemi kum chhung hian power leina atangin leiba a nei lo tih a sawi.

Vawiin Assembly thutkhawmah zawhna chhangin, P&E Minister Pu F.Rodinglana chuan hemi kum chhung veka Mizoram-in power a tharchhuah zat chu Hydro Generation leh Solar Generation belkhawmin 41.00 MU a ni a ti a. Nikum January thla atanga December thla thleng khan mipui hnen atangin cheng vbc 245, nuai 33, sing 1, 934 hmuh tawh a nih thu a sawi bawk. Minister chuan eng chhit man rebate chu sorkar kaltaah a awm zauh zauh a, hetihruah hian bill pek tlai avanga chawi (surcharge) a tam thin avangin siam rem(adjust) a ni thin a, rebate chu a hrana dawn han sawi lan tur a awm chiah thin lo a ti a.

Mizoram-in Power a leina bill atanga Rebate a dawn te chu siamrem niin, State dang atanga power leina atang te in rebate hmuh te chu siamrem zel a ni a. Sorkar tangka kum 2023-24, 2024-25, 2025-26 January thla thlenga rebate atana Mizoram-in power a leina man siamrem tawh zat belkhawm chu cheng vbc 7, nuai 6, sing 1, leh 662 a nih thu a sawi bawk a ni.

<><><>

## **SESSION-DEMAND**

Vawiin Assembly session-ah sorkar kum 2026-27 atana Minister pahnih Prof Lalnilawma leh Pu K.Sapdanga-te department sum mamawh sawiho a ni.

Minister Prof Lalnilawma hian a department enkawl 3 tan cheng vbc sang 1,825, nuai 4, sing 5, sang 1 a demand-a; chungte chu Public Health Engineering tan cheng vbc 301, nuai 94, sing 4, sang 4 niin, Disaster Management & Rehabilitation tan cheng vbc 62, nuai 40, sing 6, sang 2, leh Rural Development & Administration tan cheng vbc sang 1, 460, nuai 69, sing 4, sang 5 a ni.

Minister Pu K.Sapdanga chuan a department enkawl 3 tan cheng vbc sang 1,297, nuai 3, sing 2, sang 8 a demand-a: chungte chu Personnel & Administrative Reforms tan cheng nuai 48, sing 3, sang 5, Home Department tan cheng vbc 887, nuai 97, sing 9, sang 9, leh Urban Development & Poverty Alleviation tan cheng vbc 404, nuai 23, sing 9, sang 4 a ni.

<><><>

## **MOTIVATIONAL LECTURE LUNGLEI**

Akashvani Lunglei leh Govt J.Buana College tangkawp buatsaihin vawiin khan Govt J.Buana College ah Memorial & Motivational Lecture cum Concert for youth tih buatsaih a ni a. Akashvani Lunglei-a Head of Programme Pu Lawmliana chuan kaihuaiin chhim lam dist zawng zawng te inkaiharh leh nan a he hun hi buatsaih a ni tih sawiin chhim lam thalai te chu hmalam pana kal zel tur in a sawm a, College zirlai te chu thu leh hla lamah pawh AIR ah hun hman thin turin a sawm ani .

He hun hmanpuitu LMC Vice Chairman Pu K.Lalrinawma chuan "Thalaite tana Sorkar hmalaknate" tih sawiin NCC te leh MYC hmanga Thalaite tana hmalakna te a tarlang a, hetihruah hian a thlawna coaching ringawt beisei lovin mahni a sualchhuah a pawimawh a ni a ti. Tourism leh Mizo Bn Territorial Army

lamah te hmalak a ni tih a sawi a. Hetihruah hian KMMTTP chungchangah ngaihtuahna lo senlawk a ngai tih sawiin reiloteah sumdawna lianin a rawn luhkhung dawn a, sumdawng chitin, hnam hrang hrang an lo lut dawn a, he hun hi lo hmang tangkai thiam tur leh a bikin mipa te chungkua/khawtlang inngah na tlak nih tum turin a chah a, hmeichhia te pawh hmeichhe tha ni turin a chah a, ram dam nan tuna zirlai te tha taka lo in buatsaih turin a chah a ni.

He hunah hian Dr.Krista Roluahpuia, Asst Prof.IIT Gandhinagar chuan Theme lecture" Thalaite tana hmahlir,Chhim Thalaite tho ang " tih hmangin thu a sawi a ni .

<><><>

#### **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

#### **PM**

Prime Minister Narendra Modia chaun vawiin khan Kerala-a Ernakulam atangin hmasawna hna cheng vaibelchhe sing khat chuang hu a hawng. Vawiina PM Modia hawn zingah hian Bharat Petroleum Corporation Limited(BPCL) Kochi Refinery a Polypropylene Unit cheng vaibelchhe sang nga leh za nga chuang sennate, inkalpawhna kawngpui highway project pahnih Thalapady-Chengala inkar cheng vaibelchhe 2650 senga siam leh Kozhikode bypass road cheng vaibelchhe 2140 senna te a tel a ni.

<><><>

#### **CHHATISGARH**

Chhatisgarh sawrkar chuan sakhaw zalenna dan thar Freedom of Religion Bill, 2026 ruahmanna chu an pawm. Chief Minister Vishnu Deo Sai kaihhruaia Cabinet thukhawm chuan he bill hi a pawm a. Dan thara rawtnaah chuan tharum emaw,inthlemna emaw, inbumna hmang emaw, dik lo taka rilru inkaihhruai emaw a lema inlantira sakhaw pakhat atanga sakhaw danga inleh a khap dawn a. He bill hi Chhatisgarh Legislative Assembly Budget session neih mekah put luh a ni ang.

<><><>